

Stimatischem Signur professor Peano,

Venderdi d'saira Signur reverenda Schneeberger salvet un referat public "Zur Vereinheitlichung der Welt-sprache" (nel restorant Zytglocke a Berna). El craja cun El, Signur professur, cha, las differenzas traunter ils systems moderne dal Espo insü sajan uschè insignificantas, cha ils divers systems pudessan fich bain chaminer un sper~~er~~ l'oter, fer ognün sa propaganda, e cha allura cul ir del temp il muond güdichess e tscherniss svesse il meglder sistem.

Tuots preschaints+fettan cumplimaints a Schneeberger per sieu tun obgectiv e sas bunas intenziuns pacificas. Eau dumandet il rappreschentant u f f i c i e l del Espo, secretari da Privat, Kreuz o Kreutz, sco cha que stetta cullas müdedas nel Espo stess, cha nus remarchadns. El respondet, cha eir l'Espo gieja progredind, ma be nel ~~sta~~ del Fundamento.

+ discutants

queder

Tuots Espists declinetan strictamaing ogni concessiun e Kreuz proponit al Ido da turner tar la mamma Espista e d'allura in cumön cun ella da lavurer allas müdedas. Un as separet amicalmaing, ma restand ognün sün sieu terrain.

Eau declaret, ch'EAU as p e t adüna la lingua ufficiela, ch'EAU sustegn in pajand in püss lös l' I d e a , ma ch'EAU sun per la L a t i n i t e d della lngua universela. Ch'EAU saja fich perplex dal imprender pür hoz e per cas tres ün numer del MONDO accompagno dad ün invid al abbunamaint, cha prof. de Reynold hegia respost al Rapport della Commischiun per la lingua universela della S.D.N. in üna "dissertaziun" e cha sia conclusiun saja in favur del L a t i n . Ch'EAU combatta per ün vocabulari latin e cha las reglas grammaticalas as laschan allura discuter. Cha nus tuots stuessans ans unir sün terrai schvizzer, neutrel, per cha las regenzas, la Lia d.N. sviluppa il "Verband für die Schaffung eines Welt-spracheamts" e cha nus possans finelmaing ~~artscha~~ artschaiver our da mauns officiels la lingua auxiliera.

Quaist an he eau fat ün'annunzia (3 voutas) nel Anzeiger für die Stadt Bern: "Academia pro Interlingua, Zweig Helvetia zur Förderung und Sicherung der Latinität der Welt-sprache. Anfragen beantwortet API Bern." Arvschit 2 respostas. He scrit a Mrs. Morris, ma ella nun am respondet. He scrit in favur da Schneeberger, ma el get a Ginevra tar Mrs. Morris, sainza fer cha eau füess preschaint. Che dir? Eau sun co, surchargio da lavur, inmez ad ün cumbat dürischem per la pü modest' existenza, il cour insanglanto da stovair assis-

al progress dels Barbars. Que chi am fo il pù mel ais mia impotenza scientifica. Eau he sgür dapü sentimaint linguistic scu taunts professuors da filologia, ma mieus bap nun am permettet dad imprendet grec e latin. E que schabain ch'el in eted avanzada imprendet bain o mel ün po grec e latin e fich bain il romauntsch, tagliaun, franzes ed anglais. El stuet dunque savair megl cu tuot oter que chi am faiva da beögn e da quel' importanza il stüdi classic eira per me, figl da stam-paduer ed editur, mat plain d'ideels e da slauntsch. Scha el nun concedit d'am lascher stügger las ciencias natürelas, schi almain filologia, aviand gieu provas avuonda da mas faciliteds e capaciteds gia da mat. Insummà: eau stuet ir suot il giuf dell' autorited paternela, il quel gescha e paisa aunch hoz sün me. Sainza linguas classicas aise inutil eir per quel chi posseda in gro avanzo linguas modernas, da vulair entrer in discussiuns scientificas linguisticas, scu ch'eallas mouvan nos cour. Eau sun dunque pù estet, artist, scu linguist e mas cognuschentschas sun per la pù granda part acquistadas in via autodidactica.

Ma avess que dad esser ün motiv per am tegner a distanza della discussiun?

Nu' ais il sentimaint estetic in questiu almain uschè important scu il mecanissem della lingua del avgnir?

Signur prof. de Reynold am disch<sup>sterzas</sup>er saira al telefon sün ma dumanda: ch'el craja cha il Latin hegia vistas da vainscher.

Ch'ür am detta (voul dir ch'eu reuschescha am creer) Una basi maternela sufficiainta ed eau vögl dedicher il rest da mieus dis a quaista causa e stügger sistematicamaing il latin.

Id ais impossibel da scriver, bgermain da discuorrer; latino sine flexione sainza scoula classica latina. Eau leg Interlingua ed incleg tuot, ma scriver?, discuorrer? come mai! Co mauncha la basa.

El ho sgüramaing let la lavur da Reynold in originel.

Che pudains nus fer per salver la Latinited?

Bgers haun tema cha que füss ün progress per il catolicissem. Que he eau reser resentieu già da lösch. de Reynold ais catholic. Pussibel cha quaista temma crescha perque. Que am pera ridicul. Il spiert fo sa via taunt bain per latin scu per ün' otra lingua, basta ch'ealla saja inoletta dal pù grand numer pussibel.

Eau am fatesch gnir uossa ils duos numers da la Revue de Genève Meg e Gün 1925, chi dajan contgnair la lavur da de Reynold, "revuitta e modifikita".

Cun distincts salüds sun eau Sieu